

Allannguutissatut siunnersuut

uunga

Uunga siunnersuut:

Avatangiisit innarlitsaaliorneqarnissaannik Inatsisartut inatsisaata allanngortinneqarnera pillugu Inatsisartut inatsisaat

(Aatsitassanut inatsisinut tunngasunik erseqqissaaneq, pineqaatissiisarnermut aalajangersakkanik allanngueq, eqqagassanik eqqussuinissamut periarfissat annertusisat, mingutsitsinernut maannamut maleruagassiuiffigineqarsimanngitsunut iliuseqarnissamut periarfissat, aalajangiinernik allannguinnissamut utertitsinissamulluunniit periarfissanik annertusititsineq il.il.)

Aappassaaneerinissamut Naalakkersuisunit saqqummiunneqartoq.

§ 40 a-mut

1. § 40 a imatut oqaasertalerneqarpoq:

“ § 40 a. Naalakkersuisut nukissiuutit, akuutissat atorussalluunniit sulianit pisut, Inatsisartut inatsisaanni aalajangersakkanut allanut ilaanngitsut atorlugit mingutsitsinissap pinaveersaartinnissaanut pinngitsoortinnissaanullu maleruagassanik aalajangersaasinnaapput, peqqussuteqarsinnaapput imaluunniit inerteqquteqarsinnaapput, kiisalu piumasqaateqarsinnaallutik, suliat taakku inatsimmut allamut ilaanngippata.”

§ 53-imut

2. § 53, imm. 1-imi oqaaseqatigiit aappaat imatut oqaasertalerneqarput:

” Nalunaaruteqartussaataitaneq taanna Inatsisartut inatsisaat imaluunniit taanna tunngavigalugu maleruagassiat aalajangersarneqartut uniorlugit suliaq mingutsitsinermik kinguneqarpat imaluunniit tamatumunnga ulorianartorsiortitsippat atuutissaaq.”

§ 54 a-mut

3. § 54 a imatut oqaasertalerneqarpoq:

” § 54 a. Inuk imaluunniit suliffeqarfik nakkutilliinermut oqartussaasunut ilisimatitsinissamik kissaateqanngippat, suliap Kalaallit Nunaanut eqqartuussisarneq pillugu inatsit naapertorlugu misissuinerup ingerlaqqinnissaanut atugassatut Kalaallit Nunaanni Politiinut tunniunneqannginnerani pineqartup akiligaanik nakkutilliinermut oqartussaasut pisariaqartinneqartunik misissuisinnaapput, Inatsisartut inatsisaat imaluunniit taanna tunngavigalugu maleruagassiarineqartut unioqqutinneqarsimanersut misissuiffigalugu.”

Allannguutissatut siunnersuummut nassuiaatit

Nassuiaatit nalinginnaasut

Inatsisissatut siunnersuutip kalaallisoortaani oqaatitigut kukkunerit ataasiakkaat iluarsineqarnissaat siunertaralugu allannguutissatut siunnersuut saqqummiunneqarpoq.

Allannguutissatut siunnersuummut aalajangersakkanut ataasiakkaanut nassuiaatit

Nr. 1-imut

Allannguutissatut siunnersuummut nassuiaatit nalinginnaasut innersuussutigineqarput.

Nr. 2-mut

Allannguutissatut siunnersuummut nassuiaatit nalinginnaasut innersuussutigineqarput.

Nr. 3-mut

Allannguutissatut siunnersuummut nassuiaatit nalinginnaasut innersuussutigineqarput.